

中國方志叢書：第十九號

據清·顧國誥等修何日新劉樹賢等纂
清光緒十六年刊本
影印

廣西

富川縣志

(全)

成文出版社印行

56266107



10096558

中華民國五十六年五月臺一版

富川縣志

全一冊

定價：新台幣一二〇元

發行人：黃 成 助

臺北郵政信箱二二六〇五號


出版者：成 文 出 版 社

臺北郵政信箱二二六〇五號

印刷者：正 大 印 製 廠

三重市長生街二號之一

內政部登記證內版臺業字第一一四七號



光緒十六年重脩

富川縣志

板藏富江書院

重修富川縣志序

一代事蹟必有記載故國則有史郡縣則有志志者識也識大識小凡一方之山川形勝風土人物職官政治千百年事蹟按籍可稽俾攷古得所徵信而筆削褒貶亦有微權不徒記載已也富川之有志由來舊矣創始於前明嘉靖三十八年一修於萬曆十一年再修於三十九年三修於朝乾隆二十二年嗣後無有謀及者今百三十餘

富川縣志 卷之一 新序

年矣制度之沿革風俗之變遷人事之代謝世運之盛衰茫然無據加之咸豐間兵燹洊遭地方多難其時公忠謀國殺身成仁者是尤不可泯沒況舊板被焚卷宗所存六僅倘再遷延歲月時愈遠而事愈湮幾何不興文獻無徵之感也光緒戊子予權知縣事適前任顧君國誥有修志之舉用集事而遷調去勢將中輟予懼負顧君之初心也商諸孝廉毛君德馨等而

踵成焉乃延邑紳開局遍加採訪略有頭緒聘

臨桂劉鉅川孝廉纂輯成編取舊志張本遺者補之新者增之疑者闕之蕪者芟之事必求詳記必務實舊本共訂四冊今增為六冊閱兩月稿成劉君辭去予復與學博周君昌期詳加考正於是百三十年事蹟犁然秩然瞭若指掌雖不無俟考之處大概得十之八九庶幾我志士仁人義夫節婦其苦心孤詣歷久常

富川縣志 卷之一 新序

昭然則斯志之修於世道人心不無裨益豈曰掌故有徵已哉夫修廢舉隆徽顯幽賢有司事也予猥以不才承乏是邦下車未久邑之風土人情尚未諳悉率爾操觚自知不免惟是顧君既倡美於前予何得不繼步於後因不揣固陋勉成顧君之志云爾

光緒十五年歲次己丑春正月署富川縣事補用同知直隸州候補知州柴熙撰

重修富川縣志

戊子夏予表兄唐君斗垣以富川教俸滿進省休憇月餘時暇無事秉燭夜譚詢以富川情狀人物風土唐君輒觀縷述之近事已略聞大概矣而未一言及志且不云富川修志冬間致函始以邑志秉筆召予受役辭不獲因檢閱省志由漢至明迄我

朝雍乾遠事又略見一斑矣惟嘉道咸同事則皆待至富而始詳然兵燹後冊檔燒燬事亦有不盡詳者先是前顧侯倡捐修志業已就緒今柴侯與邑紳續成之予入局後備觀葉志見大旨賅簡可依類因與邑紳毛君蘭泉商酌而增補之又志貴舉其大略其細故凡無足重輕之事無關緊

富川縣志卷之一 新序

三

要之文概置弗錄鄉先達蔣公冕有云文事武備在吾身尤不可一日弛茲編於學校則詳書院所以明教化之盛於雜記則詳冠變所以誌防衛之疏胡文忠公曰言戰不如言守用兵不如用民以民衛已不如先以地利衛民夫地利不但城也凡各鄉團寨各堡營汛見於地志兵志者皆是至名宦鄉賢列女諸傳男婦殉難諸人吏治民風關繫尤鉅其他若營建若賦役若職官若貢舉報則登之無則闕之有若舉案對簿然是皆鈔胥家事耳秉筆云乎哉草創甫就因爲叙其巔末質諸眾紳因質柴侯並商斗垣如皆蒙摘疵而指教焉幸甚幸甚臨桂劉樹賢序

富川縣志卷之一

凡例

一邑之有志自明嘉靖三十八年符合大賓始萬歷十一年周令篤棗重修三十九年張令文耀三修至我

朝乾隆二十二年葉令承立而四修今祇依各條增補不必多

立門戶雖于目略有添減而提綱則仍照舊云

一志首星野所以察陰陽之變以左右民然其言殊難確據舊志參疑牛女益屬無定之見今按圖經宿度考定

九州分野斷歸軫翼以便觀覽

一沿革疆域俱考証舊志省志府志及歷朝史書輿地不敢以意爲增損其山川形勝不能悉載止書古蹟名勝

富川縣志 卷之一

凡例

之尤著者物產雖多無補生民者不載風俗固有麗難然必美惡並書以示懲勸

一賦役乃惟正之供王者秉天因地則壤定賦計至深矣舊志所載明制也與今制稅課增減大不相侔故分晰而詳紀之

一學校乃興賢重地我

國家尊崇道統作育人材其典禮之隆培植之厚超軼前代

今取有關文教者悉爲編入俾遊庠序者有所考而興起焉

一兵防前明屯所堡兵廢弛今日所設最爲嚴密而抽撥分駐規制屢更況富本巖邑其兵制有必不可不講求

者故編之不敢從略

一職官策名天府例得備書而善政善教之不著者別爲傳以表異之其現任者詳記履歷年分以俟後人論定

一先代人物舊志已載茲所當續考據必正乃可奉爲典型其節孝或曾經旌表或未旌表而名實無愧者均足風勵末俗不妨備錄蓋善善從長也

一文以載道貴實而不貴浮經世傳世詩騷傳誌無論也茲不憚廣爲採羅然必於此地有關繫者始足登諸簡編若夫風雲月露之詞縱有名篇無益事實概置不錄一雜記似宜從略然人世所罕見之事乃宇宙所必有之理故採集傳聞列諸簡末以餉博物之君子

富川縣志 卷之一

凡例

一綱目既分例有所統如名宦鄉賢等祠之隸於文廟碑銘雜著之統於藝文各以類從庶免冗雜

富川縣志卷之一姓氏

纂修

補用同知直隸州調署蒼梧縣事富川縣知縣顧國誥

署富川縣事補用同知直隸州候補知州柴照

補用同知直隸州富川縣知縣加一級紀錄一次左秉璣

協修

富川縣儒學教諭甲子科舉人唐光奎

候選知縣甲子科舉人毛德馨

候選知縣癸酉科舉人毛遇風

候選知縣署羅城縣教諭恩貢生周昌期

參訂

富川縣志卷之一纂修協修參訂編輯

候選儒學教諭癸酉科拔貢柳春富

五品頂戴增生歐陽獻震

候選直隸州州判乙酉科拔貢蕭文清

候選直隸州州判乙酉科拔貢汪作霖

編輯

試用儒學訓導歲貢生何日新

五品頂戴附生程必達

廩生李初唐

附生周履新

附生蔣振釗

校刻

廩

生張懷賢

廩

生周炳熙

廩

生程必昌

廩

生蔣炳榮

附

生毛鴻濟

採訪

署鎮安府教授廩貢生胡景禧

署懷集縣訓導廩貢生蔣山

歲貢生林毓岐

歲貢生李之績

歲貢生蒙恩湛

富川縣志卷之一

試用訓導廩貢生全忠義

歲貢生陶士純

歲貢生毛羽翔

歲貢生林鹿鳴

歲貢生義咸和

恩貢生唐榮光

廩生盧秀芹廩生何克昌廩生麥咸登

廩生楊克配廩生麥瑞圖廩生唐國彥

廩生蔣炳元廩生莫讓仁廩生義敬元

廩生毛永齡郡廩生麥慶圖廩貢黃澄光

廩生黃煥然郡廩生盧紹先廩生王克久

郡廩生王 儀	廩生李大受	廩生何以寬
郡廩生莫易心	廩生蔣 巖	廩生孔慶良
增生孔慶周	附生毛文裔	附生何德風
附生唐雲高	附生宋慕殷	附生董紹謙
附生楊日彰	附生梁棟材	附生毛雲騰
附生李品魁	附生鍾承賢	附生梁天培
附生高凌雲		

富川縣志 卷之五

採訪

五

富川縣志卷之一

目錄

輿地志 卷一

星野 沿革 疆域 形勝 山川 鄉村 市鎮

水利 橋渡 古蹟 墳墓

風土志 卷二

風 氣候 土產

營建志 卷三

城池 衙署 倉庫 監獄 壇廟 附寺 坊表 養濟

院 漏澤園 附義塚

職官志 卷四

目錄

六

富川縣志 卷之六

文職 武職

賦役志 卷五

田糧 編丁 起運 徭役 稅課 積貯

學校志 卷六

文廟 附名宦鄉賢 祀典 學規 田租 書院

兵防志 卷七

防守官制 兵額 糧餉 營房泚地

選舉志 卷八

進士 舉人 恩拔歲貢生 出仕 文武 薦辟

武勲

宦績志 卷九

循良 忠節 師範

人物志 卷十

鄉賢 附列 流寓 烈女 附列 仙釋

藝文志 卷十

文詩

雜記志 卷十


災祥 獮獮 冠屨 軼事



天文圖



軫宿四星名天車為鵝
尾於辰在巳分野屬荆
州舊十七度今十三度
三分





鐘山鎮圖



富川縣輿地記云漢舊縣屬蒼梧郡三國吳改屬臨賀郡
 隋初屬賀州大業初改屬始安郡唐武德四年仍屬賀州
 天寶初改曰富水宋省馮乘縣入之明改屬平樂府縣城
 在府東北二百六十里東接湖南江華南界賀縣西至恭
 城北連湖南永明西南至界牌村接昭平縣界左控萌諸
 右鎮西屏谿盤山踞路徑多崎白霞乃西出門戶而鍾山
 亦為兩粵要衝故設通判駐劄於此縣以西有花山堆藍
 罨翠最為一邑名勝其南則有白馬山白馬泉即在其下
 少此又有朝冠靄石興雲諸山及獨秀巖皆不甚奇險東
 有石門山四圍峭壁有門僅容一人其中平原曠野居民
 百餘戶迤西南有東山類是桃源勝境果在人間有秦山

高二千餘丈南接富川北連道州寰宇記云吳孫權未立
時此山忽聞有雷聲因開六洞南北可數十里水出其中
有石鼓石柱石壇此真天府靈輿亦北之屏障又有桂
嶺卽古臨賀嶺一名萌渚嶠毗連湖南江華廣東連山據
南康記五嶺此爲第四嶺峯蠻雄秀甲於一郡固宜東北
有麥嶺同知駐防處北有長標嶺相傳唐李靖討蕭銑收
嶺南曾經駐師則亦關隘形勢所在也秀溪發源長標嶺
下自北之東東西與八小水涯由東南趨賀江秀溪今靈
谿鄺道元云水出富川縣北符靈岡南流逕縣東又南注
灘水謂三江口入灘也至於富水在縣西四十里源出浮
蓋山下南流入富川思懃舊縣居民資以灌溉田疇焉其

富川縣志

卷之七

圖說

七

編戶民猺雜處有南越風是亦楚粵唇齒居要者尉陀在
桂嶺拒防遺跡至今猶傳之

富川縣志卷之一

輿地 星野 沿革 疆域 形勝 山川 鄉村

富川古百粵地秦以前邈矣邑之建自漢始也嗣是沿革代更規制或異世遠年湮亦有不能盡稽者然而星羅不改山川依然覽其形勝考厥井里何以保固疆圉何以奠安萬姓胥有厯厯足紀者不敢以偏隅僻壤畧而弗講也志輿地

星野

天文翼軫分野於辰爲巳

按周禮翼軫荆州于辰爲巳禹貢荆州南界越衡山之南舊志以富屬牛女分野爲楊州境非也又云兼翼軫牛女則益謬星兼翼軫牛女豈富地亦兼荆揚耶蓋自昔論粵地者皆以東北界接吳者爲楊州之境西北界

富川縣志卷之一

輿地 星野

接楚者爲荆州之境富川壤接湖南之江華萌渚界其東萌渚五嶺之第四嶺也通典謂荆州南境至衡山之陽若五嶺之南在九州封域則以隣接宜屬荆州則富之屬荆不屬揚明矣地爲荆州則星爲翼軫又明矣天文軫四星之中別有一星名長沙下應長沙府禮記正義引緯書考靈曜云一度二千餘里故明劉基星躔分野以翼軫爲楚粵全境而平樂當軫之六度明史廣西所屬除梧州府屬之蒼梧藤容岑溪四縣屬牛女分餘皆翼軫分至於李韶風一行之說以粵之東界自韶廣康封梧藤羅雷州及珠崖自北以東爲星紀其西北屬鶴尾之次自富昭象龔繡容白廉州以西亦鶴尾之墟鶴尾無尾也翼爲其尾此皆星野之可考者也

沿革

三代荆南粵之域漢武帝元鼎六年定越地始置富川縣屬蒼梧郡前漢書地理志蒼梧郡東漢因之三國屬吳隸臨賀郡晉因之南北朝宋屬臨慶國齊梁陳并屬臨賀郡

隋湯帝時以臨賀綏越蕩山三縣省入屬始安郡唐高祖

武德四年改臨賀爲州富川屬之太宗貞觀十四年升富

川爲富州析馮乘地入之統縣三省志云高祖時析置思

靜州爲富州三縣爲舊德宗明皇二年改爲富水縣

後復爲富川縣屬賀州南漢劉巖元年又陞爲州省志

南漢并宋太祖開寶四年改富川爲縣以馮乘縣省入屬

賀州始分設廣南東路賀州等縣俱隸之大觀二年改屬

廣南西路元因之明洪武元年楊璟克靖江路遣指揮

先諭定賀州并富川等屬二年以臨賀爲州富川屬之十

年改屬潯州府後屬平樂府萬歷五年析二五都入昭平

縣舊縣治在鍾山鎮洪武二十九年徙縣治并守禦千戶

富川縣志卷之一

輿地 沿革 疆域 二

所於今縣城守禦所原設露石

疆域

東抵龍岩村與湖南江華縣界並距縣三十里

東南抵五鰲橋賀縣界距縣一百一十五里

南抵軍冲昭平縣界距縣一百一十五里

西南抵界牌昭平縣界距縣一百一十五里

西抵槽碓源恭城縣界距縣七十里

西北抵小水汎湖南永明縣界距縣八十里

北抵長標嶺湖南永明縣界距縣七十里

東北抵湖完嶺湖南永明縣界距縣五十里

陸路西南至平樂府二百六十里至廣西省城五百里至

京師七千八百六十里

東至長廣村接湖南江華縣界六十二里西至西屏山接

恭城縣界十里南至謝嶺接賀縣界九十里北至漕確村

接恭城縣界八十里一統志東南橫山寨接湖南江華縣界

五十里西北至小水峽接湖南永明縣界七十里西南至

界牌村接昭平縣界一百三十里東北至了山村接湖南

永明縣界七十里金志

形勝

提封之數南北相距百七十里東西相距八十里一統志

三分鄉三編戶六里上鄉居北下鄉居南縣城居中鄉之

西北左控萌渚右鎮西屏山挺鳳凰天馬之秀水湧龍泉

甯川縣志

卷之一

輿地 形勝

三

掩月之奇峰峻瀾清迴環映帶鍾靈誕粹固其所耳惟是

王公設險扼塞宜詳南幹至此北旋富壤切處右翼分支

延表水不一流谿盤山踞路徑多歧小水固西北之金湯

象鼻即白沙為東南之鎖鑰白霞乃西出門戶鐘山為兩

廣要衝舊屬廣南東路不隸楚而隸粵良有以也

山川

馬鞍山矗立富江東岸形如馬鞍南首鐵第一峯三字北

文昌閣明嘉靖時僧大銘募建國朝康熙五十八年

僧福臨重募建乾隆二十八年重建北面峯頂有塔光

鳳凰山縣東二里南接雲梯嶺稍西曰朝冠山又東曰尖

山大山有唱歌巖廣輿記載歌山即此云昔焉乘有老

人自少不娶善謳閩者酸鼻及病將

死鄰人送至此山老人歌

以別之餘聲數月不絕

朝冠山鳳凰山稍西縣東一里其接者曰馬鞍山馬鞍山

之南為鳳凰山其下有雲梯嶺省志

穿山朝冠山東二十里有巖曰仙巖洞門有垂石以挺擊

有蒼藤數根從上直下形如石柱從上蓋覆之石有五

色形如蓮花有乳滴下夷坦可坐數十人深潭潺湲然

莫測其去來石梁橫亘亦奇境也仙巖在縣治十餘

里洞口多桃花中則寬濶上如覆蓋石芝懸結青黛點

綴格根三四條如絲拂直垂入地半山間開闢光明中

掩后堆如假山狀可坐數人洞刻洞口雲封四字有垂石

甯川縣志

卷之一

輿地 山川

四

馬頭山縣東十里形如馬首故名省志

峽頭山縣南三十里以兩山夾川而名也省志

虎山縣東十二里有巖曰龍水

石門山舊志云門僅容一人四面峭壁不可上下其中平

云縣東三十里

約山縣東二十五里即隱山其陰有洞俗名讀書巖農人

望岫上雲占晴雨常驗又一里為通山洞曰祥雲此即

史歸隱處其讀書及通山

數處鑄刻詩字並詳吉蹟省志

通山洞東二十五里其洞曰祥雲

東山縣東七十里高峯插天白雲常罩之俗名姑婆山產

錫礦即臨嶺嶺又名桂嶺於五嶺號萌渚界連三廣奔

驟勢如萬馬不能悉載凡富賀諸賊黨多以此為遁救

龍頭山縣南五里碧溪水出此

紅巖山縣南二十里嚴通數里內有深潭

柯杖嶺縣南三十里迴峯疊嶂道崎嶇知縣張文耀疏

各三間為行人

白馬山縣南五十里下有白馬泉相傳曾見白馬懸繩於此故名山旁有合章石刻隋安樂縣

道碑文

龍溪山縣北五十里下有龍溪省志

文筆山縣南五十五里白馬山南兩峯尖聳如雙筆然

穿石山縣南六十里有巖爽朗道人莫公居此省志作穿光山

獅子頭縣南七十里逆陽江流儼然形似

富川縣志卷之一 輿地 山川 五

鐘山縣南八十里山在鎮城中石峰峭立仰之如鐘上刻

狀元峯三字山下有文昌閣東傳鐘山寺故址西傳鳳翔巷邊蓋碧岩司置此今裁

碧雲巖鐘山南一里其中寬敞深邃奇異萬狀有宋人石刻高處有

廣陽島

西山嶺鐘山西八里鐘山鎮龍山也頂有龍狀不圓不溢雨常應

白雲山縣西南一百二十里其側有丹龜山相傳為張道陵煉丹之所

有丹霞觀道書所云丹霞福地也詳輿仙考

斜嶺縣東南九十里南至黃縣五十里分界處也

丹霞洞縣南一百五十里省志

西屏山縣西五里巖嶺山也峯巒排列高擢雲霄自北面

南綿亘百里嶺北道分注東江上有白水瀑布下有清修寺

花山縣西九十里堆藍巖翠勁栢蒼松交枝街綵密萼爭妍為一邑之名勝

霧石山縣北一里明千戶所舊址在山下○山高聳四時常有烟霧冒於峯頂因名

獨秀巖距霧石山二里省志

興雲山縣北三里巖刺興雲巖三大字中有石砌流水

一脈出入巖穴旁鐫一聯云闔關以來原有此蓬萊之

外更無他相傳昔人讀書於此省志云巖前有龍湫山尺許中一石如鶴天將雨石盤生霧巖內出雲龍湫閃電

郎山縣北五十里石龍村中有穿石巖此為周御史隱所詳古蹟

桃母巖亦在石龍村有石廳石坪景甚清幽省志云巖前溪水漫流巖

下多桃樹相傳有老嫗種此歲凶采其實以充饑特繁盛

富川縣志卷之一 輿地 山川 六

秦山一名桂嶺在富川縣北三十里高二千餘丈南接富

川北連道州吳孫權未立時山夜忽開有雷聲因開六

洞南北可數十里水出其中有石鼓石池石壇寰宇記

富川縣有秦山廣輿記

秦山在富川縣西一百八十里連道州荆州記昔孫權時

此山夜震暴雷開為六洞陳去非有遊秦山詩昔傳仙

人所居省志

寶劍山縣東北六十五里一石如劍故名

長標嶺縣東北九十里山南為富川山北為永明有界碑

在山麓相傳唐李靖征蕭銳收嶺南地嘗駐師植標於此土人立廟祀之有禱輒應

湖完嶺縣東北九十里湖廣至此而完故名是為楚粵東

西分界處

秀山縣西北四十五里朝東村中拔地五十餘丈其東有

雙雞石相傳土人常聞雞聲何姓世居於此

秀峯縣西北五十五里平地突起數十仞秀甲雲表毛姓世居

於此○按省志載丹霞洞疑即白雲之丹霞觀又云六洞在縣西九十里別有洞天居然紫府舊石在縣東縣城一里高數尺大數圍叩之有聲如鐘川巖在縣西六十里孫權時一夜雷震開有七孔廣興記作泰山今俱不可考或曰秦山析馮乘地入江華非境內山矣

富江發源縣西北之橘母新田至石龍合神源大源之水

施邇而南經縣治東下鐘山流入賀縣

西溝水發源西屏山經縣之南郭會於富江

樟頭江縣南五里盧溪之水出焉東流注於富江

富川縣志

卷之一

輿地 山川 七

碧溪縣南五里龍頭山下源出沙平西流合離省志

龜溪縣南一百二十里丹龜山下相傳張道陵煉丹取水於此宋陶弼有詩

白水一出縣西屏山約高千仞潺湲而下一出縣東三輦

源由沙母出茶源匯焉春夏大雨傾盆水氣相會空中

響應如雷其年縣即大登

西鄉水發源槽碓源經白霞下昭平

洋溪縣北五里東注富江山巔有龍湫天旱祈雨輒應

萬源縣北二十里由塘背而北流下九疑入瀟湘江

秀溪發源長標嶺西合上下九都及抵源石狗眾溪流轉

西北合永明之流水出恭城

富江在富川縣西又南逕昭平縣東北謂之思慈江源出

靈亭鄉桃母殿一名靈溪水續通考

靈溪水今名富水去富川縣西二里又富水在思慈縣東

五十步南流逕龍平縣南又東入離水元和志

富州以富水爲名源出浮蓋山下南流入富川思慈廢縣

其水灌注田疇居民豐贍故名省志

盧溪江源出縣西十里石源東流入富江省志

西溝水源出縣西五里西屏山逕縣南入富江省志

仙溪水縣南十里源出靈山此溪石上多菖蒲傳云仙人

所種飲此水者獲長壽省志

犀泉縣東北三十里名勝志

犀泉出富川縣坎深丈許長四丈橫可八尺綠蘿紫藤蒙

富川縣志

卷之二

輿地 山川 八

結坎上觀者呼之應聲而出須臾盈科赤雅

縣西百里地名沙平白堖澗出焉水俱南流入於離亦謂

之沙江南流逕白霞寨又南至思慈廢縣與章洞濁水

江合又西南一百二十里至昭平縣東北入於離江蓋

即富江也省志

附井泉

黃城井舊分司右西城井救護塘北城井萬石倉後東城井城隍廟前

黃侯井元末靈亭鄉賊起多置藥草水中黃公率兵經過

載舊志今其毒開此以汲鄉民賴之故名以上五井黃侯者不知何許人今亦不可考矣

龍泉二泉詳溫泉在白石

堰水井縣北五十里下有靈泉離岸仍許長夏居民往來